

T1742/4822 b(6)

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

06

五星占

五星占考

月與五星相干犯占

月暈五星

五星總叙

五星彙占

MAR 1 1954

管子窺輯要

六

廿世七

管窺輯要卷之十四

六安黃 昂王耳父纂定

男九命簡臣

九思視先

九成

桐城方兆及子詒同閱

五星占

五星歲星為殺主熒惑為旱主鎮星為土主太白為兵主辰宿為水主五星各有當色各有本體歲

哈佛大學哈佛燕京圖書館珍藏印

星色青如參在眉熒惑赤怒大星一曰如大角鎮
星赤黃如參有眉太白色如狼一曰如三事文星
而有光辰星色黑如奎五星其常也不失本色而
應四時則吉若變色則凶

五星色青圓為饑為憂赤為旱為爭赤中不平為
兵黃圓國有喜一曰女主有憂白圓為喪為兵黑
圓為水為疾青角為兵憂赤角兵犯城黃角地有
爭白角為兵黑角灾泣又為水灾

五星色皆欲順其四時春青夏赤秋白冬黑四季
月黃則吉其於列國也明勝暗喜勝怒五星同色
天下偃兵百姓安寧歌舞以行

五星色忽變常其占青為憂赤為旱為爭黃為喜
白為兵黑為疾為死喪

五星木色白火色黃土色青金色赤水色黃其國
必敗木為饑為旱火為火灾土為土工金為兵水
為水灾巫咸曰吉凶憂患各以色變言將有兵金
星變將有喪土星變將有饑木星變將有旱火星
變將有水水星變五星守二十八宿各以其色占

其禍福歲星守木星其色白熒火守火星其色黑
鎮星守土星其色青太白守金星其色赤辰星守
水星其色黃必敗五星所出所行所直之辰其國
為得位歲以德熒惑以禮鎮以德

辰陰陽和所行所直之辰順其色而有角者勝其
色害者敗居實者有德居虛者無德也色勝位行
勝色其德盡勝之

凡五星歲星為政緩則不行急則過分逆則占熒
惑緩則不入急則不出違道則占鎮星緩則不過

急則過舍逆則占太白緩則不入逆則占辰星緩
則不出急則不入時見則占五星不失其行則年
穀豐登熒惑為清廟歲星廟也必為明堂熒惑廟
也南斗為文大室鎮星廟也亢為疏廟太白廟也
七星為官圓辰星廟也五星行至其廟謹候其命
五星木土以逆行為凶火以勾已為凶金以不時
為凶水以不効為凶五星並見其歲太凶惡五星
皆出中道天下太平出陽道則旱出陰道則水中
道者西角之間房之中間畢之天街南北河戍之

間皆是也五星不行天門為有喪五星不行東西
皆為賊○五星不出西河戌之間必有道不通
五星逆行臣且謀君○五星分天下之中集於東
方中國利集於西方外國用兵用○五星俱見其
年必不利○五星并晝見天下別造中國無君諸
侯列土為三五星與日爭光臣與主爭

五星變生進退喜怒皆與時氣相應金不可怒於
火之鄉巳午是也水不可怒於金之鄉亥子是也
土不可怒於水之鄉寅卯是也怒者形色威猛芒

角四出也皆為兵災其變色之日以此占之木為
饑兵火為旱土為功金為地震五星起怒芒角四
達其形未變是謂戒兵其星形變而銳上小下大
是謂成形莫救堅甲利兵以待不祥

五星有三角者兵息有五角者兵行多角則戰五
星反羽其下國不可久處反羽者光芒上大下小
狀於反羽也郗萌曰五星之常行即乘芒下大上
銳反其倒行反芒而下謂之反羽五星之變以三
時則王者之事以相時則大臣之事以因時則囚

徒之事以休時則萬民之事

五星行二十八舍星相近七寸內反宿者其國君
災五星送去宿雖非七寸內而守之者其國君死
於兵順守之則以病死五星逆守列宿若已去復
還居之還繞成句已乍大乍暗是為絕祀其禍大
五星起怒凌犯留守列宿察其守犯審其始留之
日觀其時氣相和相賊以決其事視其色變以知
吉凶之情別其光芒所指知兵起所加之鄉芒多
而短者謀而未成芒少而長者其謀已成其氣事

而上行芒從一至四是謂道極或指東指西或指
南指北四芒已具其下必有亡國芒過四已上未
可命也五星守二十八舍其中外官星亦各有五
行所屬不相殘害為吉若有殘害各以其官占其
事

五星守木星有木異守火星有火異守土星有土
異守金星有金異守水星有水異凡五星失次而
上二三宿曰盈躁急之象也失次而下二三宿曰
縮畏退之象也色光潤澤溫和曰善順慶之象也

光芒明盛威猛曰怒暴鬪之象也光體震閃明滅曰動不安之象也光耀生鋒曰芒芒長四出曰角又曰五寸以下曰芒七寸以上曰角芒長徧出曰

彗正旗者芒也旗所指凶戰則指擊之勝

凡五星之行各有遲疾如其曆數木歲行一舍土年行一舍金水一年一週天火二年一週天歲星近日則遲遠日則疾熒惑近日則疾遠日則遲鎮星平行無大遲速金水附日而行比其大槩也同舍曰舍相擊曰鬪行而掩之曰襲行而侵之曰犯

行而直冲之曰觸來其旁居之曰守未當來而來曰入未當去而去曰出西入東出曰貫行而造其中曰入行而隨其後曰從自上而下壓之曰乘自下而上冒之曰凌經者過其中而無所犯也應者旁過而相迫也掩者冒而滅之也環者繞而週之也繞者環之而不週也句者一往一返如勾字之狀也已者往而反反而往如已字之勢也牝牡者以五行相剋而論夫在陽而妻在陰是謂牝牡相承也二星相近殃其乃大相遠無傷七寸內必之

凡五星守犯列宿占或云兵或云喪或云水或云旱或云疫未知的從者宜以色占之度幾可準青為憂病赤為兵旱白喪黑水黃吉或凶則為土功此其大畧也占分野或以宿度或以日辰天下有分有分相以地方參以人事不可膠柱而調瑟也凡歲月日時所主甲為齊乙為夷丙為楚丁為江淮南蠻戊為中國己為韓魏庚為秦辛為華山以西西夷之地壬為燕趙癸為恒山北夷之國子為周丑為翟亦主遼東寅為楚趙卯為鄭辰為晉巳為衛午為秦未為中山梁宋申為齊酉為魯戌為魏亥為燕代以上歲月日時及見災所在之地同用假今年七月丁卯日午時災見於未地太歲在丙為楚七月申又為齊卯又為鄭午為秦未為中山梁宋則是其地各有災他倣此

凡五星三則光芒相則光普休則光而無角不動因則無光芒死則微小也

凡言陽國陰國者從東維盡南維為陽主中國故曰陽國者中國也從北維盡西維為陰主負海國

故曰陰國者夷狄也

五星冠珥大臣逐五星流其分民饑國亡五星盈縮失次其精降於地為人歲星降為貴人熒惑降為兒童歌戲鎮星降為老婦人太白降為狀夫處於山林辰星降為婦人無所不為吉凶之應隨其象也五星行咨各有常準

角中間

亢南一度

氐中央

房中度

心北一尺有半

尾北三尺

箕北一尺半

斗杓第三星南

牛南一度

女南二尺

虛南二度

危南二尺

室南二尺

壁南二尺半

奎南二尺半

婁南二尺半

胃南八尺

昂南一尺

畢北三尺

角北二尺

參北三尺半

井中井北五寸

鬼南二尺

柳北三尺

星北三尺

張北三尺半

翼北四尺

軫北三尺

以上并五星常行之道也一尺為一度若多小不同則謂之失次亦曰失行一度之下猶輕以上漸

重近南為旱饑為兵近北為水為死喪病疾石氏
星贊曰五星更出司不祥應節守道不為殃日滿
不入其事興過時不出陰謀行以星所守占厥方
芒角變動非其常審察五色別青黃各以事類知
災祥

凡五星所在大於常其分興小於常其分必不昌
凡五星東行為順西行為逆

凡五星同度曰合石氏曰光芒相反曰合巫咸曰
相沓曰合荊州占曰相去一尺內曰合同宿曰聚

亦謂之會一曰光芒相逮曰會郝萌曰未當去去
之曰出未當來來之曰入又曰行而造其中曰入
入宿度曰居曰金石氏曰行度以居曰舍入宿石
宿甘氏曰留二十日以上曰宿處其所曰居一曰
行所當行過二十日不以次曰居一曰依度至而
不去曰居不東不西曰留郝萌曰往而不移曰留
來其旁而居曰守石氏曰居之不去曰守郝萌曰
二十以上曰守甘氏曰徘徊不去其度行而侵之
曰犯石氏曰經過其星而光曜侵之曰犯在七寸

內以犯占相去離五寸而光芒不接為災亦輕若相去一尺以外氣光相射亦以犯占先犯而遂留居曰犯未當入度而竟入犯之曰侵東西正當月中相冲而正曰觸一曰兩動直前相抵曰觸一曰行而直前冲之曰觸相凌曰闕甘氏曰合復離離復合曰闕韋昭曰相擊曰闕行而掩之曰襲行而隨其後曰從西入東出曰貫相切曰磨周之匝曰環環之而不周曰繞迫而侵之曰薄勾者左去右迴如勾字之狀也已者往而復復而往如已字曰

已食者侵其邊而漸及其中如蠶食葉之狀也大者從上及下掩之也戴者頂之於上也同光者二體相合不辯其孰為彼孰為此也星食月者星見月中月食星者月至而星沒也經天者昏旦出於地木火土陽星不忌金水陰星則為妖也晝見者白日出見於日爭明也李淳風曰聚者三星以上為聚集會之象福集則吉刑集則凶德先至則吉先至則凶從者遲疾次第相及於一處也次序從就之象離者雖同其共度而南北乖革不和之象

背者雖同在宿分不相傍得斷越移避相背之象也舍者經其宿度而行舍其宿而遲也侵者越禮而進以大迫小上逼下僭損害之象也凌者以小逼大自下犯上直往凌之也宿者經其舍而不過經去不遲也歷者以次相及也經者由其中過而無所犯也抵者一動一靜而動者至其所也貫者直經其中過也

李淳風曰五星芒者生鋒芒刺殺害之象角者長大於芒誅伐之象又曰吉星大者吉凶星大者凶各以分位斷之逆者違逆之象順者和順之象違者和緩之象疾者急迫之象福德出則福善之象妖禍入則亂亡之象福入刑出則吉刑入福出則凶合者二星相連同處一宿之中和順而合則吉乖逆而合則凶一逆一順一遲一疾相逢於一宿之中為德會則福興刑會則福作留者刑禍以異久住其宿興作悖亂之象守者留住也附住列星伺察政治而為妖祥也中者中傷之象乘者駕馭壓伏之象凌者凌小辱大之象觸闢主攻擊爭戰

卷之十四
犯刺主傷奪傷害掩會主兼并吞滅乘駕主脅迫
暴橫載者主有所立星載月為死喪貫者兵出入
之象

凡五星守犯列宿皆為凶咎若逆行或環繞勾已
則其禍尤大也

五星占考

五星歲守木星熒惑守火星鎮星守土星太白守
金星辰星守水星是謂五重守并氣之象也法曰
并氣是謂重施過節則民多疾五穀不成災害并

生一曰天下旱萬物不成歲守土星熒惑守金星
鎮星守水星太白守木星辰星守火星是謂所勝
上克下之象也法曰賦歛重徭役煩下民屈竭莫
之能供故上皆惡其下則強凌弱眾暴寡是故盜
賊衆多兵革並起歲守火星熒惑守土星鎮星守
金星太白守水星辰星守木星是謂母守其子陽
氣不施之象法曰陽氣不足故多水災五穀不成
歲守金星熒惑守金星鎮星守木星太白守火星
辰星守土星是謂守所不勝上克下之象也法曰

臣民侵凌君弱臣強主威不振故姦臣賊子有謀
上之心歲守水星熒惑守木星鎮守火星太白守
土星辰星守金星是謂子守其母陰氣不成之象
法曰陰氣不足故旱多火災萬物不成

月與五星相干犯占

月犯歲星其宿國饑晉志曰其分歲饑人流黃帝
占曰刑犯煩多盜賊一曰有邊兵一曰其分主死
一曰民疫相凶月乘歲星相死有火戰有拔城一
曰其分主死

月貫歲星有流民不出十二年國以饑亡

月與歲星會其年有疾疫

月與歲星同宿而食粟貴民相食農官憂一曰女
主凶有大戰月與歲星同光國以饑亡巫咸曰相
死國饑亂一曰其國且有女樂

月食歲星軍饑一曰大臣誅一曰邦無主人相食
月吞歲星其國敗亡不出十二年月食歲星爲暈
女主凶其國大饑有大戰

歲星八月相死以黨之諧去一曰不出一旬天下

有大災粟大貴不出二年天下亡一曰臣弑主
歲星食月有大喪女主死臣為逆國易主

歲星犯月其野有逐相歲星逆行犯月法令渙散
晉惠帝大安二年十一月庚辰歲星八月中占曰
臣犯主有逐相其後左將軍陳昫奉帝伐成都王
敗績兵逼乘輿後二年帝崩

明帝咸康五年四月辛未月犯歲星占曰國饑人
流乙未又犯歲星在昴其年八月有沔南邪城之
敗百姓流亡者萬餘眾尾宿占曰為饑燕國亡

孝武帝大元十九年四月乙巳月餘歲星在尾燕
分時慕容垂遣兵伐魏大敗死者數萬人垂死燕
國亡

穆帝永和八年十二月月在東井犯歲是時桓温
伐苻堅至於長安

又升平元年十一月壬午月掩歲星在房為豫州
二年閏三月乙亥又犯歲星在旁三年豫州刺史
謝萬夢敗

哀帝興寧三年正月乙卯月掩歲星在參為益州

六月鎮西將軍益州刺史周撫辛十月梁州刺史周勳入益州以叛朱序討平之

安帝元興三年二月甲辰月掩歲星於左角是年三月劉裕起兵殺桓玄等明年遂滅桓氏

南朝宋孝武大明五年十月月入太微西藩犯歲後帝崩

後魏始元三年正月歲星食月在張四年六月帝攻赫連昌於統萬大破之

梁武帝太清十四年九月戊午月掩歲星在斗侯景作亂

止齊武平三年十一月辛丑月食歲星後七年齊亡

唐玄宗天寶十四年八月月食歲星在東井京師也明年長安失守

月犯熒惑有亂臣一曰其國有兵貴人出巫咸曰有兵戰小吏死一曰女主憂荊州占曰戰勝之國

大將死一曰有女主之憂一曰貴人以兵死國內亂

月犯熒惑而暈或食天下破亡太平將軍憂期二
年月犯熒惑貴人死月吞熒惑其國破敗月食熒
惑國亂兵起有白衣之聚一曰相及太子當之一
曰有內亂帝不終武密曰爲饑一曰相死荊州占
曰天下滅亡河岳帝覽嬉曰其國以兵致死以亂
亡月掩熒惑其國大破合其宿國主死海中占曰
其國人傷兵起荊州占曰月與熒惑合光芒相及
其宿國亂又曰太子憂月齧熒惑其分國破軍敗
月與熒惑合其宿國主死海中占曰貴人傷有內
兵荊州占曰月與火合光芒相及國內亂三年不
解一曰太子死

月與熒惑同光有叛臣內亂且饑熒惑食月讒臣
貴後宮女有害主者又曰國敗熒惑犯月有亂臣
一曰諸侯叛

熒惑入月及近日七寸以內人主惡之一曰信用
讒邪

熒惑入月宮中有盜一曰有亂臣在側黃帝占曰
有兵喪海中占曰必戰不勝荊州占曰臣叛主一

曰其分兵且早不出五月一日外戚為政天下亂
逆行其灾更甚

熒惑觸月上角相憂中角主憂下角將憂

熒惑冒月陰國亂貴人死不出五年國亡又曰女
主外戚為政天下亂

漢宣帝九年正月戊午月食熒惑在角亢占曰憂
在宮中有賊盜有讒臣在傍後四年霍氏謀叛伏
誅

晉孝武太元十二年二月熒惑入月占曰有亂臣
死若有相殺者是時琅琊三輔三妃從兄三國寶
以妃姻愛寵袁悅等交構相煽楊期當常殺悅由
此有隙禍亂日起十八年正月熒惑入月二十一
年九月帝崩眾言張夫人弒逆又三國寶邪校卒
伏其辜

後魏元興四年閏三月庚申月犯熒惑在昴又七
月月食熒惑占曰兵起五年讓澤民劉逸自號征
東將軍

唐武后長安四年熒惑入月是歲張昌宗兄弟被

誅

月犯鎮星女主喪敗一曰有點后一曰為亡地不出十二年國以饑亡一曰天下大喪荊州占曰其國人以兵死天下亂一曰天下有大風之災

月食鎮星其地大亂民流亡女主憂一曰為兵饑為喪一曰其國以殺伐而亡天官書曰下犯上一曰民流千里國以女亂亡

月乘土星地動不則天裂月與土合其下國饑月與鎮星同光若星動搖其下地亡

鎮星八月中臣弒主一曰不出四十日有土功事乙巳占曰貴人絕無後一曰女主死一曰王者當之

鎮星食月有芒女主凶貫月國內亂不出五年亡漢宣帝建始四年十一月乙卯月食鎮星在輿鬼西北八九寸至河平元年流平入函谷關

晉安帝隆安四年正月乙亥月犯鎮星在牽牛占曰吳越有兵喪女主憂六月乙未月又犯鎮星在斗至七月太后李氏崩

又元興元年孫思破會稽七月太饑人相食

唐元和三年十月星見月中在氏其分野在東平

李師吉地也未幾師吉死道叛亡

月犯太白有兵大戰一日將有二心一日人主惡

之荊州占曰月犯太白天下靡散帝覽嬉曰強賊

作亂戰則不勝一曰太白與月相犯國多盜月食

太白強國以戰亡一曰其分人主死占曰臣弑主

亦受誅

月吞太白其分有兵戰國亡月戰太白有粹兵期

五日

太白出月下光芒相及君死民流月生三日刺太

白之陽陽國勝小國損月生三日刺太白之陰兵

在外者未及入在內者不及出南方為陽北方為

陰

月與太白同出城守者賣城宜更其守

月與太白同會月在南南國凶在北北國凶

月與太白合宿天子憂太子死

月與太白同光其月月會其下兵凶

太白與月爭光大戰與五寸有拔城二寸軍憂三寸天子罷相六寸天下有兵三尺憂城一曰五寸憂城一尺拔城五尺外無咎

太白食月爲大將死太白八月中其國戰不勝地亡海中占曰不出九年國以兵亡荊州占曰有分國立王一曰其分兵起將死一曰臣謀主不成一曰有內惡一曰軍出主將死又曰太白八月中不出客將死出者主將死郝萌曰國君失政大臣作亂武密曰太白八月而不見無將大軍當之乙巳

占曰太白八月中不見星臣爲逆太白八月弦王死太白犯月刑理失中不出六年國有大兵戰敗亡城一曰國有女亂國亡月生三日候太白夕出西方與月相并中間容一指軍在外期十日有破軍死將客勝容二指期十五日破軍死將客勝一曰主人勝容三指期二十日客軍大勝主人亡地容四指期二十五日客軍入境容五指三十日軍陣不見月未盡三日候太白晨出東方與月相并中間容一指入月三日有破軍死將主人不勝失

管子地員篇
卷之十四
地容二指八月九日主人軍大敗失地容三指八月十五日主人亡地容四指八月二十一日客軍大敗容五指八月二十七日軍陣不戰客不戰其法間一日舉指窺之即准

太白始多見西方在月北爲得行在月南爲失行用兵先起者敗巫咸曰八月三日候太白夕出西方在月南中國戰勝負海之國敗在月北負海之國勝中國敗

秋冬八月三日太白西方居月北軍強居月南軍弱太白始晨見東方在月南爲得行在月北爲失行是爲反生不有破軍即屠城北國當其殃巫咸曰月未盡三日候太白晨出東方在月北中國不勝負海之國勝在月南中國勝負海之國不勝無軍在外以月生三日夕候太白出西方月未盡二日晨候太白出東方與月并容三指其國有憂容二指拔城憂容一指有偏將海中占曰太白出月右陰國有謀出月左國有謀月狹太白諸侯將相不和

管子 卷之十四
辰星食月大水一曰臣有逆謀不出三十日
辰星貫日其國有女子亂

辰星與月相犯有水刑事起占曰陰而謀匿且有
大水一曰春夏大水五星八門其國有逐相

漢平帝永平十五年十一月乙丑太白八月中后
三年帝崩

晉元帝太興三年十二月己未太白八月中在斗
有王敦之亂

武帝咸康四年四月己巳月俱掩太白明年石季

龍大寇沔陽

安帝義熙二年十二月丙午月掩太白在危五年
四月劉裕伐南燕滅之

恭帝元熙元年十二月丁巳月犯太白于羽林二
位六月禪位於後魏

宋恭帝元年五月辛未太白出西方與月并中容
一指十月高歡起兵誅爾朱兆

唐玄宗元年八月甲子月犯辰星兵起上卿死或
曰廷尉憂之軍畧曰水與水薄主死京房曰天下

大水月會辰星其國有喪女憂有水饑一曰其國以女亂亡

辰星與月同光其國以女樂之一曰大水月與辰星合其宿國雨水敗物一曰兵起其國亡地又曰其分人流亡

辰星八月中臣叛主荊州占曰有水有刑事起又曰賊臣欲殺主期三年必有內惡武密曰辰星八月而見其國君死一曰內臣有匿謀夏大水辰星入月不見大臣死北方之國當之一曰辰星八月

君臣俱死一曰其下分戰亡國不利先主又曰臣謀起冬大雪又曰辰星八月主戰敗亡地一曰牛馬瘦粟貴又曰辰星八月而不見君臣皆死

漢宣帝本始四年七月丙辰辰星在翼月犯之至地節元年楚王廷迫反自殺二年霍氏謀反伏謀晉元帝太元十三年十月戊子辰星八月在危時臣欲弒其君時潮水入石頭城冬春牛馬病死穀貴五倍

後魏五年四月辛丑月掩辰星在井十一月帝伐

秦師於衆抗戰敗其將姚平赴水死

月食五星其國皆亡歲以饑熒惑以亂鎮星以殺
太白以強戰以女亂或曰月食五星太白皆譖死
五星入月其野有相亡將戮或曰五星食月天子
殺同姓又曰凡有食五星或薄或合

月暈五星

月暈五星其國主死武密曰此謂五星相近而月
暈盡及已之也凡月暈五星皆為兵色明客勝不
明主勝暈色明不明亦如之

月暈木星人主病大水傷穀一曰粟貴人相食一

曰兵起一曰兵起有赦一曰天下有女主之憂一

曰其主不安

月暈歲星三復之相死一曰相出戰不勝死五復

之國君死

月暈太白在氐有赦軍在外月星色赤主人戰敗

月暈歲星其色青其分主死

月暈水星而食天下饑有大戰女主憂月食水星

而暈如之

命 卷之十四 二十四
月暈火星女主凶一曰星所守國主亡一曰兵在野大戰無兵起一曰客兵入境寇擾三復之國君死

月暈火星而又犯之將以憂亡

月暈火星而攝提在中太子之兵橫行天下大亂諸侯分政有興兵爭王者

月暈火星而食其分國亡月食火星而暈亦如之又曰其下有破軍亡地大半將憂期三年

月暈土星其國有土功女主失勢巫咸曰其國主死天下旱高宗占曰所在之國兵起戰不勝一曰后妃亡不則亡地三復之相死土功大興兵起女主憂五復之君死

月暈土星在參五車有赦

月暈土星而食為兵喪女主死其國土功興月食土星而暈如之

月暈金星其國受兵不勝一曰主客死一曰月暈金星所宿國兵起或曰人主凶一曰為旱三復之相死五復之君死月暈金星而食有兵大戰國亡

一曰大將有二心月食金星而暈亦如之
月秋暈太白而星色惡其分主惡

月暈水星所宿國有水灾再合再解其國敗主死
海中占曰月暈水星在夏主死在春大旱在秋大
水在冬大喪河菑帝覽嬉曰春夏暈水星民病寒
熱疫在秋冬夏兵起不即大水主憂月暈水星在
角亢二角重連環大臣有謀

月暈水星而食為大水大饑有女亂月食水星亦
如之

月冬暈水星而星色明其分主死

凡月春暈木夏暈火四季暈土秋暈金冬暈水其
星色惡者皆為兵國之分主死國作亂有大凶

凡月暈五星諸占多以為凶而間有吉者乙巳占
曰月暈五星所宿國有福德而亦自與其上下相
戾而畧列中又以月暈水星為國大瑞今詳畧列
一書中多可疑必是后人雜以偽文欺罔庸主決

非其本而李淳風乙巳正占有旨意大抵觀象要
在察色若暈正色或五色相生鮮明潤澤而與月

星皆不識常生光明溫潤大小相承色不違時行
不失次則為吉無疑若月光昏昧星色異常進退
舛差芒角猛怒暈色枯燥刑克黯如死灰則當以
凶言之要在自加詳審而已

附流星客星犯月

流星入月中而無光兵起

管窺輯要卷之十四終

管窺輯要卷之十五

六安黃 鼎王耳父纂定

侄九錫公位

九疇倫叙

九如眉介

桐城方兆及子詒同閱

五星總叙

五星為五德之主其行或入黃道之裏或出黃道
之表猶日行有陰陽也其東行日順西行日逆順

則進而疾逆則退而遲不東不西日流與日相近
而不見曰伏與日同度曰合其流行逆順掩合凌
犯變色失次芒角動搖皆以時政五常五事之得
失而見其變木土火三星行遲夜半經天與日合
疾而後順行漸遲日不及星見東方去日稍遲
朝而近中則留經旦過中則逆行逆行至夕時近
中則留而後順先遲漸疾以至於夕伏西方及
更與日合也金水二星行速而不經天自始與日
合之後行速而先由夕見西方去日前稍遠夕時

欲近南方則漸遲極則留而近日則逆行而
合日在於日後晨見東方逆極則留而後遲
極去日稍遠日時欲近南方則速以追日星伏於
東方復與日合此五星合見遲速逆順留行之大
槩也昏朝日陰陽之大分也南方太陽之位天地
之經也七曜行至陰位與天之經則虧盈留逆而
下居此天之當道也三星經天而星不見經天參
天而地之道也凡五星而伏留行遲速逆順應曆
數為得行違曆錯度失路盈縮則為亂行亂行則

為天誅孛彗而有亡國敗軍死喪水旱飢饉之禍
云古曆五星并順行秦曆始有金火之逆甘石二
氏同時自有差異漢測候乃知五星皆有逆行其
後罕能察識至北魏末清和張子信避於海島積
三十餘年專以渾儀測候日月五星始悟日月交
道有疾徐表裏五星見伏有感召向背言日行在
春分後則疾合朔日在月道裏則日食在月道外
則雖交不食月望及則食不問表裏月行過水火
土金日星向之則速背之則遲五星行四方列宿

各有所好惡則遇其所好則留多而行遲見罕遇
其所惡則留少而行速見遲無常數并差至五度
多者至三十度其星辰之行見伏猶異晨見應在
雨水後立夏前夕見應在處暑後霜降前并不見
驚蟄立夏立秋霜降四氣內晨夕去日前後三十
六度內十八度外有水火土金一星者見無者不
見後張胃玄劉焯等依此李淳風曰凡五星之行
不敢亂常次猶於月有弦望晦朔是故歲星熒惑
鎮星晨見於日後行遲於日當平旦之時欲至午

管窺真要 卷之十五 三
上便留，而平旦遇午反則逆行至於亥時又欲
當午上則便留，而當午則又順行，反而復與
日食則當宿共度而受命於日更入晨見於東方
此皆不敢以昏旦之時午也至於金水二星則又
甚焉晨見東方平旦當日之巳便速行以追日反
之而伏，與日合，復出於西方速行昏時至丁
未之地即遲行得日而又復焉此則五星皆不敢
昏旦而盛也五星伏見日數各殊遲速順逆其數
不等大較同一術焉

五星彙占

蒼帝之子人主之象歲星之分與太歲相應主仁
主德進退應度奸邪自烏變色亂行主無福錯行
凌犯必疾疫行不滿六十日其分殃歲居一次十
二歲而一周天之王也從立春之盡色比左角而
有光占色欲明而內實則天下安所守之分有福
不可加兵為傷天德可以行伐無道之君星行邪
人主邪行正則正乘黃道行陽道則旱王者外其
心憂在邊臣行陰道則水王者內私於親戚不保

管子
卷之十五
四
勇臣

歲星為五星之長一名攝提一名重華一名經星
動乃色變主怒

王者行仁義則星順行若逆行無光進退失常則
王者失道主大司農主次相其守列舍中外官必
平直者逆行則舍所犯憂誅不出四十日星居其
分其國德厚所居有福犯而易國無福若居之不
定左右動搖上下進退而色變人主以義除之○
若當居而不居其分凶○未當居而居九十日已

上吉凶成○凡所守之舍五穀豐人民和

行應遲而疾超前一舍上至二舍所去之國危兵
起人流○行當疾而不及次退至二舍其分主闇
嗣絕女主持政丈夫王者有三超之害起而前其
下之分兵起動退舍失次所去之國有兵山崩先
審其行之逆順入之淺深以占之又主農官若王
者不治農通外水深而奪人時與宮室立城邑百
姓怨謗則盈縮逆行變色水旱不時而天災見有
兵起

當居不居而去之其分有兵一東一西王侯不安
一南一北王侯憂○動為彗字客鷄鳴而出入無
節恣其奸遲星則遲而變色進退則土工興太子
逐妾為婦親戚內亂五穀死草木秋花若王者修
除宮內宗廟社稷可無咎○逆行不可興兵天下
人若諸侯治急則行疾緩則行遲○政刻則行陰
政寬則行陽○人主有德星色光潤大明○人主
無德色小無精○人主治逆星行亦逆人主治順
星行亦順入陰為內事入陽為外事○行過度則

為彗為天棓天槍為天猾天冲國皇反登此星變
之所為也此祲星之出長則為兵短則為飢○若
行盈東南為彗盈而東北為棓○盈超舍宿而西
南為檄○雲狀如牛縮而西北為槍○雲狀如馬
縮不及舍乍南乍北為天狗為彗見於東南長又
所本有星其分飢約以金為分兵約以參天下布
帛貴須女為絲參伐為金

若星有小字不明圓而青黑其分大水度星變通
行人主宜起宗廟無故賑貧乏存孤寡省刑罰賞

有功舉隱伏禮賢良發庫藏薄賦稅罷徭役則無咎

木與四星相犯木與火合為飢旱大臣威謀下有反者亡也○木食火不出三年其臣國亡若合而鬪殺大將○芒角接合在於諸侯憂在東則年豐合與東方日為之食不出三年兵起宰相為亂人主不安○木與土合鬪名曰離國不出三年其國分凶木與金合居白衣之聚若與金鬪分有破軍死將又為飢○與金合一宿亦為水若與金同光

殺大將相去一丈大治兵不出四十日○色黑則北方勝赤則南方勝與金合光其分兵利○木在金東為逐相光芒相死軍大戰○金與木南南國利在木北北國利○木火金三星合鬪大將死俱與金鬪而不散兵戰主亡○木與水合鬪軍在外必戰不則內亂○金鬪而其方八月兵起下流血而相死則無咎○木犯水客將死期一年列舍與水合鬪不出五年其分易相與他星合人主不安有使星入歲，色黑司農凶色赤為飢病

歲行犯列宿若入之其分國蝗虫○歲於甲寅日
行犯列舍分有失地者○木所土從之伐者不利
金從之伐有功○歲與火同舍相去三尺相守七
日以上至十四日其分有反臣五穀傷百姓流亡
○木土舍相去三尺相守三十日以上至九十日
其分更亡天下交爭大臣凶王者易統存亡半○
與金合舍相去三尺相守七日以上將軍誅
木金火俱在一舍去三尺相守七日至二十日天
下兵起其分國絕三王鼎足而居必有亡國內戚

相賊九州作亂社稷沒期一百八十日○木與水
合舍相去七寸而光芒相接七日至四十日天下
流水不出三年一云有女喪七寸已內光芒交者
則將軍與后通若謀殺其君守之七日刑必成○
五星合鬪人走馬馳九州棄其愛若聚東方中國
利聚西方西夷灾侵五京無主夷狄為亂
凡二星合鬪鬪梁絕女子急軍天下半喪
熒惑占火之精主夏位在南方其國荆楚越赤帝
之子方伯之象為天一使伺萬物之變其所經之

舍亂生凌犯逆守兵起雷鳴臣子謀君社稷立傾
精兵聚下成事反明出西北王者正色變色行在
所在者喪所極有兵經曰雖有明天子必視熒惑
所止星之王也從立夏至夏至之盡色此心中大
星而角精明太白之雄五星之伯上臣太一同○
人君司兵司喪司驕過荒飢旱灾殃無不主行王
化亂朝多佞則星吐舌王者順禮則星順逆而絕
色赤人主宰相不推德任賢求忠舉隱而驕恣不
順五常女主持政諛邪在傍殺戮無辜凌弱任兵

則星主逆出入不時王者使以禮山川起宗廟恤
孤寡出倉粟賑民窮舉逸滯省徭役輕刑法以除
其咎

熒惑大理也其行無忌日行一度兵聚東方行疾
而東速退其西兵行西方若犯其南大夫見喪若
侵其北皇后必殃久守不去將死野田宰相下獄
若守列舍二十日不去其分相死火東行為馳星
馳星出有死將○火出其伏兵而出則兵息環繞
凌犯死亡之徵所守王分害大者而復還守之上

管子地員篇
卷之十五
下無常或前或後或出左或出右交重不可救國
人死流血成市○火當出而伏不出天下民流當
入而盈不入其分主凶政緩則不入政急則不出
○火若出而逆行下有破軍為飢旱若守宿而星
浮跳不安人主心邪

熒惑之行列宿日行一尺五日而成日行五寸已
上二十日應日行三寸三十日而應至

火春夏在南行疾兵早在陽國秋冬而北行疾下
有破軍

星行東西成勾南北成已逆三舍山崩行列舍三
月不出其分亡從列南舍行疾讒人用事北行疾
有女喪

正乘列舍守之二十日以上其分兵亂七日以上
相走守之六十日主薨一百八十日殃及子孫星
居舍之陽萬家邑亡地二百里守四十日

太白守舍後并前亡地千里以後之前失地二百
里與金合光分主走星曲行至之舍一百八十日
兵起星出逆行一度而以一百日不下其分一變

荒留三百日不下其分半亡九月不下國空星逆
西行必害王侯色赤而怒有敗國其分不可舉兵
軍敗將亡

火始大而後小所在分凶初出小後大其分兵可
立功若色赤而芒角兵順指利以為客先擊而勝
星色細小而無光明名曰進賊讒人入國不有亡
主則有亂國夫欲斷兵必視兵之行赤而芒角順
之者勝○火與四星相犯火與木合同舍相守其
分相走若入歲星蟄虫動冬雷虹出民怨與木合

鬪在夏其國饑不出三年凶若其分用兵則失大
將火出而近水之北天下有急兵出木之南在謀
臣在中若守星亦為大赦謂木守火也凡兵背之
吉逆之凶○火與土全舍而鬪不出三年下有亡
分○火入土中將軍為亂與土相守女主凶與土
合其分主出走若環繞土不出六年其分主失政
火與金同舍其分有兵喪若合而鬪侯王別離春
鬪則早夏鬪國易相秋鬪不出三年兵起冬鬪女
主憂旅來年人必飢秋與金合其分主不可舉兵

管子卷之十五
火順行而金乘之有其破軍在野若環太白偏將
軍死合之入之將士死金而上出客軍勝○火正
掩金不去客將囚

金火相犯而與水合宿為水火行分不可舉事動
兵火與水鬪為亂合於東方臣伐主合於西方不
出九十日失國宮中凶○水火合於尾箕之間大
臣用事者凶秋為飢喪合於東方水色白而兵在
外割地而和○火與列舍同位而鬪不出三年其
分臣背主○火之變為昭明為司危為天機為昭

旦為蚩尤旗○火與日月全舍不出七年分亡一
日變為枉矢火之所在西四星從之國可以禮致
天下

鎮星占土之精主德女主之象黃龍之宿行諸列
舍日行二十八分一歲行十三度一百一十二分
度之五順一宿二十九年而一周天所居之國益
福若當居而南北或去之疾其分不可用兵必受
天殃若居而去又反守之其分益地星出三百六
十日而夕伏伏三十日而晨見東方星之王也從

夏至至立秋色狀北極中星有精明司女主行邪則星行邪行正則星行正女主內媯星逆而行陰外媯則星逆而入陽逆而變色地必動星位居中央重懷萬物生育化長教為轅分為華蓋六名地侯離為勾陳又為天極○人君好治修宮榭內媯無女后專政若宗廟廢祠祀星逆行變色地動人流枉矢四射星分不可加兵所居之分蓋地居之易若或不安其分失地星失次上及二舍水土上至三舍則天裂地動但逆一舍已上吏繁人民父

棄其子人去其邑星行二舍失地星亂行人主淫放無出遊無宮室則可以免咎○若應居而出去其分飢荒流移四方君止不安不可興土工不可舉事衆星居之久而光明人主吉昌

辰居北方宿中兵不利出東方利用兵王者亡地出四方兵起逆行色青為變白衣聚縣星行去金一丈女主不治順行陰陽和

土之變為五殘為六賊為獄漢為昭星弗星為大賁為旬始為擊咎星行犯心右股為秦魏左股為

管窺集卷之五
荆宋右驂為齊鄭左驂為趙燕其分年不入
土星四星相犯土與水合色白為喪色赤為兵色
黃為旱內亂不可以用兵主人負木下土上利為
客土下水上六十日不下有空國若有失主之地
土與火合相守以孽為憂其分失地國都困合在
一宿
土在上火在下他兵加之必不剋土在下火在上
各各不動若同光上下民有逆心其分兵起有王
者

土與金合為內兵起白衣之聚○金在土為南為
年飢在上北歲熟○土與金相守十日不去有奸
后若土與金俱入室天下皆謀兵與金合鬪其分
亡地○土與金合相守為度為兵不出三年其分
民饑○土與水合舍其下不可補兵土與水合
必有破軍若星鬪兵不在外則有內亂○土與列
舍鬪不出年分亡地將死

鎮星女主土以鎮四方其於列舍所犯年木入土
之所在而四星合于以宿其下之國可以德致天

下

太白者金之精主秋白虎之宿主義其國鄭秦晉天之將也主兵及諸不吉將軍之奇出入取則用兵須依行疾兵疾行遲兵遲或出於東西出入應度天下吉昌逆行變色天下更主立秋至冬至色比狼星光精芒角四張為天正太皞歲星之雄逆秋令則逆行出西方高三舍為太白剛出東方三舍為太白柔又上三舍太白剛太白出上百六十日不能參天為君令不行 多盜賊未滿百六十

日而上過參天王令行參天者三分之一未滿一日參天病其國出而留桑榆間所止分凶出東方為昭明太白與辰星出東方為昭明出南方為明星出東北為觀星出西方為太白乍高乍下為復上分有逆臣反當出不出分有破軍亡國未當出而出兵馬亂行○合伏而不伏二十日以上大兵縱橫未合伏而伏天下兵聚未滿而伏伏而却出其下有兵凶十日百日内兵死未及出而星出未及時而星伏為損天下兵○太白伏東方

未出西方西方之國不可舉兵勝而更敗○伏於西方未見東方東方之國不可與兵為逆天皆為亂兵伏東方未出西方西方北方不可舉兵身死亡地伏西方未出東方東方南方之國不可舉兵先得其地後敗亡有流血之憂太白出三日更入其分民飢兵凶士急人所虜○太白出之二丈而返入下必大戰○太白不出滿二年大國喪地太白出在午天下更主○太白出東過巳西出過未不可先舉兵太白出西北方不得過戌出東北

方不得過寅太白過午日經天晝見天下易主四方夷內侵女主持政星經天者秦國強○太白潤澤不失行度國強利用兵凡舉大事無逆天數若人君漁獵刑罰不當則芒角動搖盜賊起兵戈滿野太白大將軍之位兵之象也太白出高利以深入利先起兵高而敵來勿戰去而勿逐○太白出下用兵利以淺利起後勿侵他境來而可戰去而可追

太白晝見有軍軍罷無兵兵起不出六十日

太白出東方星在月南為德行中國勝在月北為
失行外國勝是謂返生不有破軍必有屠城北國
當之太白在月北負海國戰不勝在月南中邦勝
在北北國敗○若失行在南金入火有兵

太白出西方星在月北為德在月東為失行在月
北負海國戰勝在月南負海國戰敗

太白與月相扶有兵容三指有兵憂軍容二指憂
城容一指拔城如有偏將之戰

太白出東為德為政舉事用兵左迎之吉右背之
凶太白出西方為陰為刑舉事用兵右迎之吉左
背之凶

太白變色變隨方而戰勝色青東方利他倣此

太白出以月三日候其傍有小星附之去一尺若
二尺三尺軍在外罷○太白合出不出合入不入
為失舍不有破軍必有亡主所在之邦不可戰也
未合出而出未合入而入天下兵起有敗國憂者
不可戰

太白至月四日去月一尺二尺客軍大敗有死罪

管窺集要 卷之五
將太白色白而角文也不可戰色赤而月武也可
以戰太白入十日而復出將軍戰死入七日復出
相罪死太白出則兵出若入則兵入兵戰有勝兵
出入之象也

客星太白主候辰星各出一方異宿為格有軍不
勝兩軍雖兵不戰合宿乃戰○辰出金伏戰未可
卜○辰若未見太白獨出有客無主軍不和律
金水合宿大戰之期太白出東方與月併準之以
指月未盡

日占之客一指有破軍死將主人不戰小勝客二
指十二日客軍大敗主人亡地容三指十六日有
破軍死將王者亡地容四指二十五日客軍大敗
日散容五指三十日軍陣不戰○太白夕見西方
以月初三日候之與月併其間客一指軍在外期
十日有破軍死將客勝容二指十五日有破軍死
將主人小勝容三指期二十日有破軍死將客軍
大勝主人亡地容四指二十五日客軍入境主人
勝容五指三十日軍陣不戰

太白與月並則主戰不並則不戰○太白一東一西害王侯一南一北兵刃伏○太白入羽林兵起太白與列宿相犯小兵小戰不出六十日其分兵起
太白與四星相犯大兵大戰○月食太白君殺將太白入月中而見臣謀主一云易將○太白出辰不出無主人雖兵強不戰辰出太白不出有主無客戰不戰

太白與辰俱出東方東方國勝而大敗不可出軍太白與辰俱出西方西方國勝東方不可舉兵必殃南北準此○辰俱太白南三尺軍約大戰○辰守太白不去主人將死辰俱太白前旬二三軍罷辰在太白北小戰○太白進則兵出退則兵退太白入晉國王者興兵強得地王有天下太白角赤則兵戰角白兵起角黑兵罷角青兵憂太白圓有喪有芒角隨芒指兵之所起太白畫見為兵喪為不臣更王強國弱小國強太白出東方平旦於丙巳之間賊應出而出寇蓋

於道當入不入使者效期一百八十日必暴雨六十日而流邑四時不動效水決溢辰變色見東方出入䟽疾夷狄內侵散為枉矢為滅寶為黑彗為破女有軍在野辰星為偏將無軍在野辰星為逆用刑之所

辰抵太白不去則將死正其上出破軍殺將客勝不出客負視其所指以破軍○環繞太白若聞太戰客勝若太前軍罷出太白左小戰磨太白數萬人戰主人亡○太白辰星同宿去之一丈以上軍

必敗大而光芒有刑亂人君不見吉光明小潤吉

辰出東方色白中邦勝外邦敗出西方色赤西方

勝中國敗無兵○辰星色黃有福有角小戰色黑

三芒有兵敗罷天下無兵○辰星太白俱出西方

水居金前有滅其分○辰在西居西北陰邦有兵

謀以戰主人勝○在陽南陽邦有兵謀在外戰客

勝

辰與太白在南南方事在西北北方事正酉陰國

事正卯陽國事○月在辰星下國坐兵有外憂

辰八月中主人戰敗亡地一云大水春冬大雪牛馬疫君臣俱灾八月三旬臣謀主

太白與辰相合旗出破軍殺將客視其所指而破軍磨太白右三尺軍急約戰一時再見有軍在外者罷

辰暗在太白北出利主人○出太白南利客

辰為主辰星未出太白獨見有客無主軍出不和辰見太白不見有兵無客不可出軍及戰

辰星占水性平而直智主刑獄伏而不見經時斷

獄失理伏而見斷獄不平辰怒芒角有暴刑獄不

則有大水敗城郭損苗○五星與辰合為將死水

與四星相犯水與木合其分水民飢與水相守為

暴霸合鬪其分國亂水與火合為亂水變其分不

可舉兵火水相守天下多喪若不起兵疾病流行

水與土合其分凶不可興土工○夏必為霜秋多

霖雨女主見喪合而鬪其分亂有兵水與金合在

金左利主○水磨金主人勝水與金俱出西方水

在金前西北謀兵俱出東方水在金前客兵滅亦

主兵止○水居金後兵起○金水俱見一方相去
四尺客兵益地遠則不戰○水指金主將死旌旗
出所指之分有破軍死將○水金刑相遇而鬪水
分散燕伐憂○水絕金客勝○水出金五日而出
主人大將軍死○水入月臣謀君不出三年與月
相薄分國君凶

人君有德水化為景星形如半月與月助光天下
太平○人君無道化作長庚形如疋布出有大兵
管窺輯要卷之十五終

